

續華州志

光緒壬午年鐫

劉城題籤

卷之二

官師志

祠祀志

田賦志

省鑒志

藝文志



賜進士出身奉直大夫知華州事

蒲坂

馮昌奕裁正

同知欵浦羅 斌

判官瀋陽胡觀賓

學正關南張 拱同評

東厓山人劉遇奇續次

官師志

官師志

知州 明萬歷起至 國朝康熙止

張居敬 傳

續華州志卷之二 官師志

孫温知 號宏海山東勃海人進士萬歷十四年 任嘗治石子坡路至今行者便焉

王堯臣 萬歷十六年任

閻汝坤 傳

竇學孔 傳

吳 鑱 字我彭湖廣豐州人萬歷三十年任治 華三載雖嘉績不可選考讀遊山詩入 章而風雅翩翩知為風流太守云有蒞 華政畧經亂後不存

喬宗圯 傳

汪學海 傳

范 賡 傳

邢振羽 傳

馮甲第 號南溟四川人舉人天啟二年任

王標 傳

高鈿 湖廣人舉人崇禎三年任

張珽 山東人舉人崇禎五年任

史文楷 傳

鄧承藩 傳

徐維屏 四川人拔貢崇禎十五年任

許兆進 江西人欽賜進士崇禎十六年任

國朝

南秉直 號二史河南陝州人選貢順治二年任

續纂卷之三 官師志

二

王廷用 傳

吳志德 遼東人順治五年任

牛映白 河南歸德人舉人順治六年任

秦宗堯 傳

顧培元 傳

胡有德 傳

申我抱 傳

李文盛 傳

甯宏謨 遼東人順治十五年任

程雲步 遼東人順治十七年任

王潞傳

馮昌奕傳

趙攀麟傳

同知

趙敏

武敬

范宗

張克俊

孫政信

王子克

續華志卷之三 官制志

金出水

謝沂

謝嘉賓

阮志道

徐文鷹

張應陽

國朝

程修道

景日麗

秦駿生傳

汪蕙傳

董允舒

傳

羅斌

傳

楊璽

張象文

傳

判官

俞樞

閻正

沈珪

連子華

王鴻漸

重刊志卷三 官師志

許登仕

傳

錢紹曾

龐立方

孫成

劉命新

李如楠

傳

陳光筵

國朝

姚景隆

晏之章

謝宏佑

李色蔚 傳

朱家樑

徐靄 傳

胡觀賓 傳

王爾謙 傳

吏目

蕭景仔

張顯

董魁

續華州志卷之三 官師志

于文斗

李多允

楊瑩

周仕濂

李成喬

楊守仁

趙鰲

陳喜

熊璽

孫廷柱

國朝

冷世俊

童光紹

劉萬派

湯立身

曹允中

張文義

王善繼

張英

學正

竇璘

王幾坤

劉泓

孫榮舉人

遲讓

李茂盛

何芳武

劉纘宗

賈瑀

王朝麟舉人

續華州志卷之三 官師志

國朝

盧 廸

李熊飛

張四明

馮熙淳

閻 寅

李敬修

師國禎

馬啟聖

王嘉賓

續寧臺三官師志

石瑩璧

張 拱傳

宋蟻舟

谷遷喬舉人

訓導

趙 沈

趙 儉

李 芳

劉 亮

李添祿

張文炳

時際昌

譙康

趙一脈

宋容

焦辛

劉元禧

林鳳彩

何拱辰

吳從訓

王中行

崔四瞻

國朝

馮珮傳

張爾曜

張文

王在鎬

汪其受

汎防官

國朝

續華志卷之 官師志

補獻臣傳遺

周

鄭子掘突 出史記

後漢

鄭縣令裴畢 出水經注

晉

鄭縣守杜畿 出陝西通志

後秦

華山太守董邁 出晉書

齊

續華州志卷之二 官師志

華州太守康綯 出陝西通志

十

魏

東雍州刺史金祚 出明一統志
薛辯 出陝西通志

華州刺史薛真度 出萬姓統譜

周

大都督鎮華州王罷 出明一統志

華州刺史柳機 出明一統志

華州刺史導龍 出萬姓統譜

華州刺史梁劍 出明一統志

華州刺史楊儉 出陝西通志

唐

銀青光祿大夫檢校華州刺史喬師望

出小華西峯傳

圖銘

華州刺史樊忱

出明一統志

華州刺史劉晏

出明一統志

華州刺史盧綯

出通鑑

華州刺史潼關防禦鎮國軍等使盧元輔

出萬姓統譜

華州叅軍李奕

出明一統志

左僕射同平章事及商華等州副元帥李晟

出裴

續華州志卷二 官師志

度西平王李公碑記

士

河中同華陝虢行營副元帥渾瑊

出山西通志

華州刺史鄭權

出韓子送鄭尚書序

華州刺史馬

出韓子鄆州溪堂詩序

華州刺史种諤

出明一統志

華州刺史潼關防禦鎮國軍使董晉

出唐晉大傳董公行

狀

華州刺史李訥

出中朝故事

華州別駕朱儉廉

出續通典

鄭縣丞崔希喬

出唐新話

鄭尉杜暹

出大中記

五代

鎮國軍節度使劉詞

出萬姓統譜

鎮國軍節度使侯章

出山西通志

鎮國軍節度使楊彥詢

出山西通志

華帥李保衡

尹皓

代保衡者出陝西通志

華州幕王易簡

出華陰縣志

宋

華州從事李谷

出明一統志

工部郎中知華州鄭驥

出明一統志

華州志

官師志

士

節制商號陝華州軍王彥

出陝西通志

觀察華州王忠植

出明一統志

華州觀察使李端懿

出萬姓統譜

守華州李師忠

出陝西通志

知華州范祥

出陝西通志

金

華州防禦使段鐸

出明一統志

同知華州防禦使張建

出明一統志

補良吏傳遺

金

文林郎華州教授杜實才 出靈濟昭祐顯聖王廟碑

明

華州知州周璘 出渭南志

華州訓導孫榮 出山西通志

華州知州厥惟明 出葛姓統譜

華州知州劉錦 出陝西通志

續華州志卷之二

官師志

七

祠祀志

真武祠

甚多即舊志有載者有未載者其未載者一在州東即社學一在州西郊有儒學訓導廣元費守恒撰碑

咎繇祠

州二門西憲章門內

夏禹廟

小漲侯坊等處建焉

漢太中大夫祠

州西會同坊村

靈濟昭祐顯聖王廟

一在州南能村一在州西南原朱張村有金泰和元年文林郎華州教授杜實才撰碑

文昌帝君祠

州西五里即秦公生祠

三義廟

一在州北侯坊村一在州西南原閻村

續華州志

祠祀志

古

關夫子廟

一在州儀門內東一在羅絃鎮一在州西五里一在州西二十三里田村有張世錫撰碑一在豐原鄉柿村一在南侯坊河西一在北侯坊河東第

載云一在州西聖山初廟在西原楊六村凹即唐永昌中赤水南山移壓張村者也

普潤侯廟

即小華山神今在州西聖山初廟在西原楊六村凹即唐永昌中赤水南山移壓張村者也

藥王洞

州西南四十五里江村

呂祖祠

一在小華山之麓一在州南著生李躍龍漪園普李子事呂祖甚恭有感輒應

土神祠

一在州大門內東一在城隍廟新建四里土神一在州北黃家村石像

姬忠烈公祠

州西郊有誥命碑工科都給事中郭允厚山東巡撫趙彥旌忠奏議碑陝西巡撫瀛海王正志撰碑西安守吳人鄒嘉生吊姬先生詩云

百年同盡未爲難寸鉄如何買寸
丹天地有身惟許國亂離無死不
成官結纓繞夢三生幻血壁新詩
萬古寒纒指鍊剛吾有恨尋常臣
子莫教看

朱文公祠

在州治西文公二十一世孫文義明
洪武初授西安府華山驛驛丞因家
焉義生子希遠遠生子佐佐生子孝
孝生子二日鑑日鑽鑑生八子鑽生
三子孟法仲潢季沫滋潢俱業農沫
業儒精岐黃之學活人在持掌間又
韓王公桓器重之而學士大夫每爲
喜談而樂與之遊先時法子永壘奉
祀早卒華庠舉沫爲奉祀生

補祠祀志遺

至聖先師孔子

名丘字仲尼魯人仕魯為大司
冠攝行相事三月魯國大治齊
人沮之遂去魯適衛周流列國
退而刪詩書定禮樂贊周易修
春秋生周靈王二十一年庚戌
是為魯襄公二十二年十月庚
子卒歲王四十一年壬戌是為
魯哀公十六年四月巳丑年七
月二十八日四月巳丑即今八
月十八日

配享

復聖顏子

名回字子淵魯人孔子嘗以回贊易
自羲皇堯舜之外不多及焉孟子以
禹稷顏子並稱漢高帝配祀孔廟唐
封少師贈文公宋封文國公元加贈

續華州志卷之三 祠祀志

復聖公東一位

六

宗聖曾子

名參字子輿南武城人敝衣躬耕日
不舉火歌聲若出金石魯君聞而致
邑焉辭不就事父至孝作孝經唯
一貫之旨授之子思易簣而逝唐贈
廊伯宋封廊國公元加贈宗聖公西
一位

述聖子思子

名伋字子思孔子孫伯魚子也師
事曾子嘗對孔子言其父析薪其
子弗克負荷是謂不肖孔子欣然
曰其克昌乎嘗勸魯君毀不居之
室以貽百姓奪嬖寵之祿以賑國
匱君不能用適衛繼袍無表三旬
九食憂道學失傳述孟軻之徒數
中庸直達天德教授沂水侯咸淳
三年封沂國公元加贈述聖公東
二位

亞聖孟子

名軻字子輿鄒人受學于子思願學孔子時尙縱橫道術分列軻乃述唐虞三代之德以仁義說齊梁之君不能退而作七篇以正人心息邪說濟世之功不在禹下宋封鄒國公元加贈亞聖公西二位

東哲五位

先賢閔子

名損字子騫魯人嘗語子貢曰吾出兼葭之中入夫子之門內切磋以孝外爲之陳王法心竊願之季氏辟以費邑不就居喪畢援琴而悲哀未盡而能斷之以禮不亦君子乎唐贈費侯宋封費公東一位

先賢冉子

名雍字仲弓魯人伯牛之族寬洪簡重以德行名子貢曰不遷怒不深怨不錄舊罪是冉雍之行也唐贈薛侯宋封薛公東二位

先賢端木子

名賜字子貢衛人穎悟冠孔門好揚人美亦不匿人過孔子化之卒

續聖堂卷之二 祠祀志

七

聞性與天道嘗使于齊一言存魯而五國受命唐贈黎侯宋封黎陽公東三位

先賢仲子

名由字子路卞人好勇抗直喜聞過治蒲三年孔子過之入其邑曰善哉由也忠信以寬矣至其庭曰善哉由也明察以斷矣田疇盡易草萊盡辟溝洫深治此其恭敬以信故民盡力也

故民不偷也庭甚清閒諸下用命此其明察以斷故政不擾也仕衛結纓而死唐贈衛侯宋封衛公東四位

先賢卜子

名商字子夏衛人篤信謹守善說詩以文學名居西河教授世傳詩序由卜氏魏文侯師之唐贈魏侯宋封魏公東五位

西哲五位

先賢冉子

名耕字伯牛魯人以德行名孔子節小物則以伯牛侍曰吾以子自勵也唐贈鄆侯宋封鄆公西一位

先賢宰子

名予字子我魯人以言語稱問五帝之德黃帝之年唐贈齊侯宋封齊公西二位

先賢冉子

名求字子有魯人仲弓之族好學博藝省物而勤恭老郵幼不忘賓旅嘗宰季氏以政事稱唐贈徐侯宋封徐公西三位

先賢言子

名偃字子游吳人以文學稱宰武城邑人皆絃歌百粵之地文郁漸開皆偃之功也唐贈吳侯宋封吳公西四位

先賢顓孫子

名師字子張陳人子貢稱其美功不伐貴位不喜不侮不佚不做無咎非聞聖人之教而進德之驗與唐贈陳伯宋封陳國公西五位

續華州志卷三 祀志

東廡四十九位

先賢澹臺子

名澹明字子羽武城人有君子之資貴之不喜賤之不忍取與去就必嚴南遊江沱學者景從如雲唐贈江伯宋封金鄉侯東一位

先賢原子

名憲字子思宋人嘗隱于草澤中子貢相衛結駟連騎排藜藿入窮闕過謝憲攝敝衣冠以見子貢恥之曰夫子豈病乎憲曰吾聞之無財者謂之貧學道而不能行者謂之病若憲貧也非病也子貢不釋而去終身耻莫言之過也唐贈原伯宋封任城侯東二位

先賢南宮子

名适字子容魯人獨居師仁以智自將嘗應夫子過周問禮于老聃訪樂于襄宏所謂尚德之君子也唐贈鄭伯宋封汝陽侯東三位

先賢商子

名瞿字子木魯人嘗受易于孔子瞿年長無子其母爲取室孔子使之齊

瞿母請孔子曰無憂瞿四十後當有五丈夫子已而果然唐贈蒙伯宋封須昌侯東四位

先賢漆雕子

名開字子若蔡人習尚書孔子嘗使之仕開以未信對謙以自立宜子之悅也唐贈滕伯宋封平輿侯東五位

先賢樊子

名須字子遲齊人嘗志耕稼恥乎小矣及舞雩之遊乃以崇德修隱辨惑問抑何善也至如問仁問智反覆不置烏可以近利少之哉唐贈樊伯宋封益都侯東六位

先賢公西子

名赤字子華魯人子貢曰齋莊而能有節是赤之行也唐贈郈伯宋封鉅野侯東七位

先賢梁子

名鱣字叔魚齊人嘗以無子欲出妻問瞿之言而止見于信友以全齊俗

續靈光卷之二 祠祀志

光

先賢冉子

叔魚之所存者厚矣唐贈梁伯宋封千乘侯東八位
名孺字子魯魯人聖學是務勵已斯約好問乃裕容止可度唐贈緄伯宋封臨沂侯東九位

先賢伯子

名虔字子折蔡人儒行既名聊伯乃建競競守道奕奕巍弁唐贈聊伯宋封沐陽侯東十位

先賢冉子

名季字子產魯人奉師于塾講道之微問荅甚敏淵妙以思唐贈東平伯宋封諸城侯東十一位

先賢漆雕子

名哆字子歛魯人壺壺其間翩翩其英樞衣時習願學日明唐贈武城伯宋封濮陽侯東十二位

先賢漆雕子

名徒父字子文魯人唐贈須句伯宋封高宛侯東十三位

先賢商子

名澤字子季魯人屏息受業延教登席未踐四科同涉六籍唐贈睢陽伯宋封鄒平侯東十四位

先賢任子

名不齊字子選楚人淑問雅馳才華清遠競辰力行愛日黽勉唐贈任城伯宋封當陽侯東十五位

先賢公良子

名儒字子正陳人賢而有勇孔子去陳會蒲人叛儒以私車五乘從且曰吾昔從夫子遇難于匡今又遇難于蒲命也已與鬪甚力蒲人懼出而與盟唐贈東牟伯宋封牟平侯東十六位

先賢奚子

名容蒧字子哲魯人幼則有造成則祖述文采日化儒教力弼唐贈下邳伯宋封濟陽侯東十七位

先賢顏子

名祖字子襄魯人唐贈臨邑伯宋封富陽侯東十八位

禮華州卷之三 禮記

三

先賢句子

名井疆字子野衛人唐贈淇陽伯宋封滎陽侯東十九位

先賢秦子

名商字子丕魯人父董與孔子父相尚以德俱生賢嗣相與維則唐贈上洛伯宋封馮翊侯東二十位

先賢榮子

名旂字子洪魯人匪善莫行惟德乃據唐贈雩婁伯宋封厭次侯東二十一位

先賢左子

名人郢字子行魯人希縱十哲秀穎三千唐贈臨淄伯宋封南華侯東二十二位

先賢鄭子

名國字子徒魯人優入聖門過不留跡道以日傳妙則心識唐贈榮陽伯宋封胸山侯東二十三位

先賢原子

名亢字子籍魯人唐贈萊蕪伯宋封樂平侯東二十四位

先賢廉子

名潔字子庸衛人涇涿素教表揭儒宗杏壇探頤洙泗從容唐贈昔父伯宋封胙城侯東二十五位

先賢狄子

名黑字哲之衛人游泳聖化揚勵素風偉識既異持教乃隆唐贈臨濟伯宋封林慮侯東二十六位

先賢孔子

名忠字子蔑孔子兄之子親承家學佩服聖訓唐贈汶陽伯宋封鄆城侯東二十七位

先賢公西子

名藏字子上魯人以德則貴惟道是暢師聰師明友直友諒唐贈祀阿伯宋封徐城侯東二十八位

先賢秦子

名非字子之魯人傳道克正垂名允臧執德以宏式贊素王唐贈丹陽伯宋封垂亭侯東二十九位

續華志卷之三 祠祀志

三

先賢申子

名極字子續魯人性介不苟合居嘗師孔子冠佩既燕言動允休唐贈魯伯宋封文登侯東三十位

先賢顏子

名瞻字子聲魯人儒室振領聖門與稱賢業素蘊美才以據唐贈朱虛伯宋封濟陰侯東三十一位

先儒左子

名丘明魯人杜預言嘗受經于仲尼身為魯史作春秋傳昔人謂親見夫子好惡與聖人同贊稱孔門素臣春秋遺直諒矣唐貞觀間詔從祀宋封中都伯東三十二位

先儒伏子

名勝字子賤秦鄒平人明經為秦博士秦焚書勝壁藏之亡十篇獨得二十九篇即以教子齊魯之間學者由是能書漢文帝求能尚書者欲召見時勝年九十餘詔太常晁錯往受之勝授少女少女授錯自是大小夏侯

先儒高堂子

之徒皆學焉唐貞觀間詔從祀宋封乘氏伯東三十三位

先儒后子

名蒼漢東海郯人通詩禮多所發明事漢文帝為博士至少府蕭望之匡衡輩衍其傳明嘉靖九年詔從祀東三十五位

先儒董子

名仲舒漢廣川人少治春秋下帷講論三年不窺園人罕見其面武帝策賢良仲舒對天人三策正誼明道稱漢醇儒明洪武二十九年詔從祀封江都伯成化二年封廣川伯東三十

先儒王子

名通字仲淹隋河汾人嘗獻太平十二策于文帝帝不能用教授河汾作中說以迺後學累徵不起楊素勸之仕曰通有先人做廬足以蔽風雨薄

續華野卷三 祠祀志

三

先儒歐陽子

田足以供饘粥讀書談道足以自樂不欲仕也門人私謚文中子明嘉靖九年詔從祀東三十七位

名修字永叔宋廬陵人其學推孟軻韓愈以達于孔子以通今學古為高仁宗時為諫官時韓琦范仲淹相繼罷去修上疏極諫出知滁州還叅知政事盡心匡弼撰唐書五代史傳于世君子曰孟子之後得韓愈愈之後得歐陽修謚文忠贈充國公明嘉靖九年詔從祀東三十八位

先儒周子

名惇頤字茂叔宋道州人胸次洒落如光風霽月不由師傳默契道體二程從學教以尋孔顏樂處着太極圖書上接洙泗千載之統下啟河洛百世之傳五峰胡氏言周子功在孔孟之間宋淳祐元年追封汝南伯詔從

祀元封道國公東三十九位

先儒程子

名頤字正叔宋洛陽人少有高識非禮不動宋仁宗時上疏黜世俗之論以王道為心及經筵二劄詳見大儒奏議哲宗初詔見崇政殿說書文彥博稱真侍講後入元祐黨籍與兄顥倡明道學並稱河南兩夫子淳祐元年追封伊陽伯詔從祀元封洛國公東四十位

先儒張子

名載字子厚宋郟縣人居嘗危坐一室潛心造道精思力踐須臾無息或有得則中夜起坐取燭疾書學者有問則告以知禮成性變化氣質必如聖人而後已所著有東西銘正蒙經學之理窟也謚明宋淳祐元年詔從祀封郟伯東四十一位

先儒楊子

名時字中立宋將樂人從二程子遊其學推本孟子性善之說發大學中

續華州志卷三 祠祀志

三

庸之旨所著有龜山文集語錄明宏治八年詔從祀封將樂伯東四十二位

先儒羅子

名從彥字仲素宋豫章人自幼穎悟嘗從吳國華遊已而問龜山得伊洛之學遂往從之三日驚汗浹背曰幾往過一生龜山門人千餘而潛思力行任重詣遠惟公一人而已嘗曰朝廷大奸不可容朋友小過不可不容大奸必亂天下小過必微全人謚文質明萬歷四十二年詔從祀東四十三位

先儒朱子

名熹字仲晦宋婺源人又曰紫陽山人幼稟異質卓然以道自任六經遭秦火賴有周程諸儒出其道復明然終未暇登正熹集諸儒大成而後聖人之道如日中天十九登進士六十五致仕謚文寶慶贈大師追封信國

公紹定三年改封徽國公淳祐元年
詔從祀元至正二十二年改封齊國
公東四十四位

先儒張子

名棡字敬夫宋綿竹人魏公浚之子
穎悟夙成以古聖賢自期仕直秘閣
每詔對皆修身務學畏天恤民所著
有論孟太極諸書解宋景定二年詔
從祀封華陽伯東四十五位

先儒蔡子

名沉字仲默宋建陽人元定次子嘗
師朱熹元定獨得洪範之數隱居九
峰未及論著曰成吾志者沉也沉潛
心反覆數十年遂作傳及洪範皇極
內篇謚文正明正統二年詔從祀成
化二年封崇安伯東四十六位
名衡字平仲元河內人金季兵亂避
地徂徠扁其齋曰魯齋初從姚樞寶
默游獲聞程朱之學遂為名儒元世
祖召為京兆提學累遷中書左丞謚

先儒許子

續華志卷之

祀志

二十四

文正皇慶二年詔從祀封魏國公東
四十七位

先儒陳子

名獻章字公甫明粵之南海人嘗從
吳聘君遊厭俗學支離歸而坐小廬
山七年履跡不踰門域察動靜有無
之機全虛圓不測之神躍然有歸而
知作聖之幾以靜虛為門以自然為
宗蓋深造自得者萬歷十二年採廷
議從祀東四十八位

先儒王子

名守仁字伯安明越之餘姚人毅然
以斯道為己任謂學必求得于心雖
至于位天地育萬物未有出于吾心
之外揭良知為柄慎獨為樞嘗秉鉞
建勳勒券示報碩德豐功咸足紀錄
廷臣累疏從祀萬歷十二年始定東
四十九位

西廡四十八位

先賢慮子

名不齊字子賤魯人孔子謂其為宓子宰單父彈琴而治曰此地有賢子不齊者五人不齊事之而稟度焉孔子嘆曰昔堯舜聽天下務求賢以自輔賢者百福之宗神明之至也惜乎不齊之所治者小也唐贈單父伯宋封單父侯西一位

先賢公冶子

名長字子長齊人卓行宏度內省不疚孔子以其子妻之唐贈昔伯宋封高密侯西二位

先賢公哲子

名哀字季次齊人讀書懷獨行君子之德終身蓬戶未嘗屈節為人臣孔子貴之曰天下無行多為家臣惟季次未嘗仕唐贈郕伯宋封北海侯西三位

先賢高子

名柴字子羔衛人篤學有法自見孔子未嘗越禮為衛士師別人足俄而

續華堂卷之三 祠祀志

三

衛有蒯聵之亂子羔避之別者守焉不徑不竇竟脫于難孔子聞之曰善哉為吏用法一也思仁恕則樹德加嚴暴則樹怨公以行之其子羔乎唐贈共城伯宋封共城侯西四位

先賢司馬子

名耕字子牛宋人魁兄將為亂脫去在汙而潔危而有慮唐贈向伯宋封睢陽侯西五位

先賢有子

名若字子若魯人強識好古道正哀公厚飲以鳳麟海嶽狀孔子唐贈下伯宋封平陽侯西六位

先賢巫馬子

名施字子期魯人治單父星而出星而入見子賤任人鳴琴而治自嘆其施之未至唐贈鄆伯宋封東阿侯七位

先賢顏子

名辛字子柳魯人夙飭格言克遵善誘明德惟馨賢業所就唐贈蕭侯宋

封陽穀侯西八位

先賢曹子

名卹字子循蔡人積習樂道切磋明義惟善則主爾德是顛蓋王室之裔也唐贈曹伯宋封上蔡侯西九位

先賢公孫子

名龍字子石衛人一作楚人齊田常欲為亂移兵伐魯孔子欲止其兵以存魯子石請行孔子弗許彌縫中道協輔斯文唐贈黃伯宋封枝江侯西十位

先賢秦子

名祖字子南秦人守道之淵成德之博範若鑄金契猶發藥唐贈少梁伯宋封郵城侯西十一位

先賢顏子

名高字子驕魯人孔子去衛適陳過庄高為僕以其策指之曰昔吾入此由後缺也已詠舞雩同聽齊韶賢矣哉唐贈瑯琊伯宋封雷澤侯西十二位

續華志卷三 祠聖志

位

三

先賢穰子

名駟赤字子徒秦人執經請益載道若無得時而駕領袖諸儒唐贈北徵伯宋封上邽侯西十三位

先賢石子

名作蜀字子明秦人懋依有德克述無言鼓篋槐市名揚里門唐贈石邑伯宋封成紀侯西十四位

先賢公夏子

名首字子乘魯人唐贈亢父伯宋封鉅平侯西十五位

先賢后子

名處字子里齊人師事孔子攬道之華秉德之柄唐贈營丘伯宋封膠東侯西十六位

先賢公肩子

名定字子中魯人唐贈新田伯宋封梁父侯西十七位

先賢鄒子

名單字子家唐贈銅鞮伯宋封聊城侯西十八位

先賢罕父子

名黑字子素魯人唐贈乘丘伯宋封祁鄉侯西十九位

先賢公祖子

賢俱進彬彬雅道翼翼令儀唐贈期思伯宋封卽墨侯西二十位

先賢縣子

名成字子祺魯人夙侍聖教擅響魯邦煒矣風猷時哉用舍唐贈鉅野伯宋封武城侯西二十一位

先賢燕子

名伋字子思秦人至道克傳賢達斯執善教云袁儒風可卽唐贈漁陽伯宋封汧源侯西二十二位

先賢顏子

名之僕字子叔魯人唐贈東武伯宋封苑句侯西二十三位

先賢樂子

名欬字子聲魯人信道之篤見善乃明引顧高節載惟思誠唐贈昌平伯宋封建成侯西三十四位

續皇朝志卷之

祀志

七

先賢叔子

名仲會字子期魯人與孔族年相比稱二孺子俱執筆迭侍于夫子孟武伯見而訪之唐贈瑕丘伯宋封博平侯西二十五位

先賢邾子

名異字子欽魯人墻仞已及堂陛將升良玉斯球寒水必冰唐贈平陸伯宋封高堂侯西二十六位

先賢公西子

名輿如字子之唐贈重丘伯宋封臨胸侯西二十七位

先賢施子

名之常字子恒魯人泰稽百行贊理三綱唐贈乘氏伯宋封臨濮侯西二十八位

先賢陳子

名亢字子禽陳人唐贈穎伯宋封南頓侯西二十九位

先賢琴子

名張一名牢字子開衛人聖門稱三者宗魯惟友弔必以儀唐贈南陵伯宋封平陽侯西二十位

先賢步叔子

名乘字子車齊人唐贈淳于伯宋封博昌侯西三十一位

先儒公羊子

名高齊人作春秋傳解經辨惑多所發明或曰公穀皆子夏門人朱子曰公穀皆是齊魯間儒者故其

所著書有傳授又曰二人不會見國史故考事疏而義理精唐貞觀

先儒穀梁子

名赤字元始周未魯人作春秋傳與左氏公羊並行于世于聖道多

所裨益唐貞觀詔從祀宋追封龔丘伯政和改睢陽伯西三十三位

先儒毛子

名萇字長公漢趙人大毛公享之子為河間獻王博士號小毛公馬融賈

逵鄭康成皆宗之唐孔穎達為疏賈歐陽修王質下逮朱子乃盡舍其說

而言詩唐貞觀詔從祀宋封樂壽伯西三十四位

先儒孔子

名安國字子國魯人孔子十一世孫克振先業有古文蝌蚪尙書安國以

續華州志卷之二 祀志

天

今文字讀之因以起家史遷所載堯典禹貢洪範金縢諸篇蓋得之安國

云唐貞觀詔從祀宋封曲阜侯西三十五位

先儒杜子

名子春東漢河內人授周禮于劉歆傳鄭典鄭衆時號囊括六典網羅衆

家唐貞觀詔從祀宋封緱氏伯西二十六位

先儒韓子

名愈字退之唐南陽人為御史論及官市德宗怒貶山陽令既遷刑部侍

郎憲宗迎佛骨愈極諫貶潮州刺史為文社經患潮人知學自愈始鎮州

亂奉詔宣撫叛卒平其學以六經之粹然一出于正軻距楊墨愈排佛老

一也宋元豐七年從祀追封昌黎伯西三十七位

先儒胡子

名瑗字翼之謚安定宋泰州人一日海陵教授蘇湖立經義治事二齋倡

先儒程子

明體適用之學嚴條約以身先之門徒最盛願言凡從安定先生學其醇厚和易之氣望之而可知也明嘉靖九年詔從祀祀三十八位
名顥字伯淳宋洛陽人其學得之周茂叔以興起斯文為己任辨異端息邪說孟子之後一人而已著定性書語錄五經四書傳註性理大全學者稱為明道先生宋淳祐元年追封河南伯從祀元贈豫國公諡純西三十九位

先儒邵子

名雍字堯夫宋范陽人游河南遂家焉受學于李之才得河圖洛書定羲易卦圖象妙悟神契衍先天之旨著皇極經世諸書初至洛蓬華環堵者不庇風雨躬樵爨以事父母怡然自樂嘉祐舉遺逸皆固辭熙寧贈著作郎諡康節宋咸淳三年詔從祀封新安伯西四十位

續華州志卷之三

祠祀志

堯

先儒司馬子

名光字君實宋峽之夏縣人七歲通左氏春秋竇元初進士退居洛十五年哲宗初召拜左僕射罷青苗法人謂元祐相業有旋乾轉坤之功編資治通鑑稽古錄歷年圖以備勸講封溫國公諡文正宋咸淳三年詔從祀祀西四十一位

先儒李子

名侗字愿中宋延平人生有異質及長孝友篤謹聞郡人羅仲素遠學往師之羅亟稱許已而結茅水竹之間謝絕世故四十年簞瓢屢空怡然自適嘗危坐終日以驗喜怒哀樂未發之前氣象為何如而不求所謂中者故其言曰學問之道不在多言嘿坐澄心體認天理若見朱文公勿從遊屏山劉公嘗述所聞于公公莫之許後文公領簿同安反覆其言若有所得始盡棄所學而學焉學者稱延平先生諡文靖明萬歷四十二年從祀西

先儒胡子

名安國字康侯宋崇安人高宗時爲中書舍人兼侍講專講春秋榘矩稱如大冬嚴雪百草萎死而松栢挺然獨秀著春秋傳論文定明正統一年詔從祀封建寧伯西四十二位

先儒呂子

名祖謙字伯恭宋東萊人徙登華夷簡六世孫倡明東南爲一代宗師所著有春秋博議讀書記讀詩記易說春秋說宋文海十七史大事記世稱東萊先生宋景定二年詔從祀封開國公諡成西四十四位

先儒陸子

名九淵字子靜宋金溪人其學別理欲明王霸直探本源嘗與朱子論學鵝湖具語錄中學者稱象山先生諡文安明嘉靖九年詔從祀西四十五位

續聖卷三

祠祀志

三

先儒眞子

名德秀字希元宋建安人其學宗朱子慨然以斯文自任黨禁旣開正學大明于天下後世所著有大學衍義讀書記文章正宗心正二經世稱西山先生諡文忠明正統二年封浦城伯詔從祀西四十六位

先儒薛子

名瑄字德温明河津人體貌清奇五臟露如水晶其學一宗朱子以復性爲本以居敬爲要清而不詭和而不同永樂間爲山東提學王振以士奇薦擢大理不謝竟繫獄獨讀易不置也時石亨請勅與歸教授鄉里瑄引許衡故事不受所著有讀書錄汗汾集行于世學者稱薛夫子諡文清隆慶五年詔從祀西四十七位

先儒胡子

名居仁字叔心明饒之餘子人其學在涵養本原窮索理義曰涵養與至則天理自明窮理旣精則本心愈安不愧屋漏自能篤恭而天下平孤風

逸韻扶持名教不少萬歷十二年詔
從祀西四十八位

啟聖公孔氏

名紇字叔梁為鄒邑大夫身長十尺
武力絕倫先娶魯施氏生九女而無子
其妾生孟皮字伯尼有足疾不任繼嗣
後娶顏氏禱于尼丘山生孔子
宋真宗封為啟聖王明嘉靖九年改今號

醮享

先賢顏氏

名無繇字路回之父唐贈杞伯宋加封曲阜侯元贈杞國公東一位

先賢曾氏

名點字皙參之父唐贈宿伯宋大中祥符加封萊蕪侯西一位

先賢孔氏

名鯉字伯魚孔子之子伋之父宋崇寧中贈泗水侯東二位

先賢孟孫氏

名激公宜驪人孟子之父元仁宗延祐中追封邾國公西二位

續聖廟卷之三 祠聖

三

從祀

先儒程氏

名珦洛陽人宋仁宗朝累官大中大夫顯頤之父東一位

先儒朱氏

名松字喬年婺源人舉進士歷任詳國史熹之父西一位

先儒蔡氏

名元定字季通建陽人洸之父所著有律呂新書東二位

先儒周氏

名輔成道州人敦頤之父西二位

名宦鄉賢從祀者各有傳

殺阬君神祠

東陸商億畧云漢鄭縣有殺阬君神祠殺阬所以蓄洩水患碑文言之

其祠廢自亡新則前漢時已有之矣光和中裴舉為鄭縣令始脩復

之事見水經注後人謂之五部神廟其像有石隄西戍棧谷五樓先

生東臺御史王翦將軍皆莫曉其

義宋慶歷間施昌為陝西都導運

使模此碑以致歐陽公自宋迄今
七百載祠址與碑俱不可考華州
有石隄峪山泉所出王翦秦將必
惠及華民故並祀之今村社比
有五道將軍廟豈其遺耶集古錄
云裴全名舉趙明誠以為詳觀碑
畫廊注為是

周處祠址

在今赤水鎮為水所沒晉氏齊萬年
寇關中處討平之卒於戰人思其功
故立祠有潘岳奉詔作關中詩曰周
殉師令身膏齊斧人之云亡貞節克
舉又西戎校尉闡纘亦上詩云周全
其節令問不已身雖沒書名良史

唐接引石佛像

在理寺村佛立像頭有螺髻高
六尺許其石碧色似玉相髻有
人以車運佛至其處不動土人
遂安置之于此後于地內獲石
蓮座宛然如一其佛先時或十
數年出汗一次或三四年或二

續華州志卷之三

祠祀志

三

三年不一惟近日一年出汗一
次亦有一年出汗二次者人驗
以為上歲之祥其出汗或從上
至下亦有自下先出者以問之
溜流則名為接引佛蓋唐製也
又有石佛較此微小左手執優
曇花右手挽印亦有石蓮座碧
色與此無二其像在此東南石
鹿山麓

太僊廟

有二一在王聖村一在唐安莊蓋祀王
聖也昔王聖遇仙于符禺之山及抵家
已數世矣當時失其名後因以名之曰

王聖又名其地曰王聖村聖山川云後
又有詩讚之曰王子去求僊丹成入九
天洞中方七日世上幾千年

閻浮提王

翰府名談云冠萊公有妾蒨桃隨南
遷再移光州蒨桃泣曰妾前世師事
仙人為使今將別去敢有所托願葬
杭州天竺寺萊公諾曰吾去非久也

何之桃曰吾向不言恐泄陰理今欲
去言亦無害公當爲地下主者浮提
王也公不久亦亡有王克勤見公于
曹州境上擁驢北去克勤詢後驕曰
公何往曰闕浮提王交政也果爲闕
羅王矣

續華州志卷三

河祀志

三

謹按郡志州建置南來隆阜之上且引泉入城
弗令外泄受氣似已足矣以通郡大勢揆之南
離山八里許峻迅速直下鍾毓已爲不厚而北去
渭僅十里促隘卑近演脈又不舒長東柳子鎮
分戒二十五里西赤水鎮分戒三十里則要害
雖爲緊嚴而苞育實屬薄蓄故詩書之家連雲
不逮三世貨殖之子輜重未抵千金惟植本弗
深故發榮不懋河源弗溥故流慶不長也理必
然已

孫嗣祖埤史云世運隆替人情因焉余從舞象
時記華風俗醇樸名分居服之間士大夫尊凝
莊重田野子服疇安業鄉里長幼循分而服舍
如式及明未縛節繁興囂凌漸起非復昔日之
敦篤渾厚矣載歷變更顯貴不必詩書而蓄貲
可致連結驕奢用假權勢而豎取訇擅譽名且
風俗日下老必遜幼賤必擬貴逆天之夫衆皆
敬畏循理之士目爲癡愚嗟嗟人心愈趨于凋
殘狂瀾將誰爲砥柱乎蓋緣紀綱之不克昭明
有如是耳

風俗補遺

輿圖備考云華州衝煩民淳頗瘠

續華州志卷之三

風俗補遺

三五

田賦郡志已悉自明季改革百年以前無可選
考今遵

國朝康熙五年分奉其實數因革損益者而必一一
登之以見一代之制不同而一代之規可按也
水旱九等共地五千一百五十一頃四十四畝
九分六釐三毫

共糧二萬四千三百一十八石二斗二升九勺
每石徵銀一兩五錢四分四毫四絲四忽八微
八纖三塵九渺
共徵折色銀三萬七千四百六十兩八錢七分
八釐九毫七絲四忽三微一纖三塵三渺

續通志卷之二 田賦志

三美

內奉督撫部院具題奉
旨免過荒地四百三十一頃四十五畝二釐七毫五

絲
應免糧一千七百八十二石二斗六升八合四
勺四抄七撮
應免銀二千七百四十五兩四錢五分八釐八
毫三絲二忽
興屯並節年開墾共地二百一十九頃九十五
畝三分二釐七毫四絲
開墾糧七百八十六石五斗二升九合四勺八
抄一撮七圭五粟一粒
徵銀一千二百一十一兩四錢二分七釐五毫
四絲六微四纖三塵八渺

通共實徵熟地四千九百三十九頃九十五畝

二分六釐二毫九絲

徵糧二萬三千三百二十二石四斗八升一合

九勺三抄四撮七圭五粟一粒

徵銀三萬五千九百二十六兩八錢四分七釐
六毫八絲二忽九微五纖七塵

外收租糧粟穀四十五石二斗一升四合五勺
五抄原係有糧無地在於見徵九等地糧之內
通融徵解

每石徵銀一兩五錢四分四毫四絲四忽八微
八纖三塵九渺

該徵銀六十九兩六錢五分五毫二絲二微四
纖六塵九渺

人丁三門九則不等共一萬四千五百八十二

丁共折下下丁二萬三千四百四丁

每丁徵銀一錢六分七釐一毫九絲九忽三微

續華志卷三 田賦志

三

七纖四塵

共徵銀三千九百一十三兩一錢三分四釐一

毫四絲九忽六微

順治十四年奉文審出溢額丁一百七丁

共徵銀一十七兩八錢九分三毫三絲三忽一

纖八塵

康熙元年奉文審出溢額丁三千二百八十二

丁

共徵銀五百四十八兩七錢四分八釐三毫四

絲五忽四微六纖八塵

優免不盡停免丁糧銀二百四十二兩五錢三分五釐八毫二絲六忽六微

民糧內均徭實徵銀二千二百六十三兩七錢六分二釐一毫一絲七忽七微九纖五塵六渺起運銀三萬二千四百四十一兩二錢五分九釐四毫九忽四微三纖七渺

存留經費雜支站支銀一萬五百四十一兩三錢九釐五毫六絲六忽二微五纖四塵八渺額外軍丁增銀五十七兩七錢六毫五絲九忽六微

續華州志卷之三 田賦志

三

課程銀四十三兩六錢五分

地稅銀三百兩

匠價銀八十九兩五錢九分五釐

劉子曰田賦之制一代各有取民之法是體國者之大務也故不容贅辭矣但額設起運存留雜支載在郡志勒諸碑記非不善也後經改革國朝少有損益于其間而于起運折色之內裒多益寡權衡量度派芻茭豆粟起解省會以佐軍需

雖各年所派之數不同而于百姓正供之內除筭甚得其便至今擔負車牛任輦絡繹不絕又

如華山驛驛馬今驛設馬一百二十疋馬夫六十五名歲支銀五千二百八十一兩六錢八分八釐又州馬設馬十疋歲支銀二百四十六兩六錢六分零先時明季有召募之例養馬在民如民戶養馬之說後王公廷用均甲李文盛又均甲每甲均糧五十二石有奇樽節愛養稍爲蘇息至康熙元年奉

旨官養王公潞加意調停郡守蒲坂馮公恭承

上意驛馬官養芻茭官備從不累及里甲小民獲以休養如起沉疴而立登之衽席也寧止華民之

續華州志卷之三

田賦志

五

幸哉

又曰鹽引之設州額二千八百有奇在當時原一計戶口而銷販鬻也立法非不甚善然商以鹽運之州或鎮或關而二三無知者遂以爲奇貨可居或作駟儉或圖房貲或謀夥願求目前之便宜而弗思身後之貽禍究之商去而引留至于店主賄納引數遂有傾家當產流亡死絕者及其引數弗獲解院而甚有貽害地方官者奇零湊派曷可悼歎幸

國朝康熙元禩王公潞至華甫下車留心鹽務嘗爲

鹽臺諸公見獎廼出貲本募小販鬻鹽以引納
州至年終小販一分止還本銀一分行數年遂
有奉

旨招商銜引之舉河東商亦以鬻鹽納引爲事也宜
令商各自修屋製店可矣近有無知者復招于
已家仍蹈前轍萬一商去而引留其何以支雖
欲求王公之調停而不可得也姑記之一以垂
作事謀始之戒一以識癡人貽禍之由

物產述

洪範八政曰食周禮九職曰三農生九穀蓋古之聖王重本也貴五穀賤珠玉由來尙已卽孔子議政未嘗不先富而後教養與教在堯舜當日咨傲一堂而憂民之懷何有釋焉華雖僻處一隅猶有先幽勤儉遺意華地南逼山谷樾莽磽确不乏石田西南甫廣而峻坂瘠原田厥下中東北西沃衍平潤一或泛濫良頃化爲汙萊况數年來農力傷甚米碩值十有二銖八口之家計地所出一歲弗給其用而田賦何可以輸

續華州志卷之二 物產志

聖

邪間或技藝未作轉移執事皆爲急公之需華民亦職勞哉昔年人重食而輕金家給人足肆今人貴金而賤食當豐稔之年尙有懸磨萬一水旱頻仍盜賊竊發擁倉廩者無周急之誼踣踏窮簷能不袖手待斃乎因識其說以見物產之不無小補也

補物產述遺

山海經云小華之西符禺之山其陽多銅其陰多鐵其上有木焉名曰文莖其實如棗可以已龔其草多條其狀如葵而赤花黃實如嬰兒舌食之使人不惑符禺之水出焉而北流注于渭其獸多葱薺其狀如羊而赤鬣其鳥多鳴其狀如翠而赤喙可以禦火

又云西曰石脆之山其木多櫻柗其草多條其狀如韭而白華黑實食之已疥其陽多瑇瑁之玉其陰多銅灌水出焉而北流注于禺水其中

有流瀣以塗牛馬無病

又云西曰夾山其上多榘樞其陰多鐵其陽多赤金禺水出焉北流注于招水其中多鱉鼈其狀如鼈其音如羊其陽多箭簳其獸多牝牛羝羊有鳥其狀如鶉黃身而赤喙其多曰肥遺食之已癘可以殺蟲

爾雅云南方之美者有華山之金石焉

周禮考工記云鄭之刀

史記樂書云趙高曰何必華山之騾耳而後行

遠乎

廣志云赤麥赤而肥出鄭縣

又云新豐箭谷梨關以西宏農京兆右扶風界諸谷中梨多供御又按庾肩吾啟云睢陽東苑子園三尺新豐箭谷枝懸六斤

地理志云華山生文栢

陝西通志云物產多苜蓿按西京雜記苜蓿一名懷風時人或謂之光風風在其間常蕭蕭然日照其花有光采故名苜蓿爲懷風茂陵人謂之連理草

本草云欵冬花出雍州南山及華州十一十二

續華州志卷之三 物產志

聖

月採其花

東方朔云關中土宜薑芋顏師古曰芋似藕而長不圓正白可食亦有紫者杜甫詩紫收岷嶺

芋

按食貨志芋藎也韻府羣玉云岷山之下沃野有蹲鴟謂芋也本草云土芝藎也

范子計然云儲蓐東出三輔白色者善

後漢更始傳云洛陽宮女掘蘆葍根食之廣韻秦人呼爲蒞蓮今俗作蘿葡

晉書云張華得劍寶愛之常置坐側華以南昌土不如華陰赤土報雷煥書曰詳觀詞文乃干將也莫耶何復不至雖然天生神物終當合耳

因以華陰土一斤致煥煥更以拭劍倍益精明
晉郭璞註穆天子傳云今華陰山有野牛山羊
肉皆千斤

杜工部有憶鄭南毗詩玳玉色言石似玉也可
作礎并階花益之顛攷之錄異記金星之精下
墜化爲白石狀如美玉

明趙時春馬政論云唐人養馬亦于涇渭近及
同華置八坊其地止千二百三十頃樹苜蓿苜
麥用牧奚三千當時張萬歲王毛仲躬馳撫閩
其馬色別爲羣號稱雲錦

精華集卷之三 物產志

器

穀則多稔多青稞多雀麥

雜子則多脂麻稗子蘇子苜蓿子菜子枲實

蔬則多南瓜北瓜絲瓜瓠子豆角竹萌香椿木

耳蕨菜

木則多櫟多樗多梧多桐多■多糜多竹多櫻

多枳多白楊甘棠椒樹合歡漆樹黃楊

果則多棗多遵多榛多梨多冬桃櫻桃海棠林

檉葡萄黃柑金橘萬壽果

花則多玉蘭木槿紫薇紅梅白梅綠萼梅黃梅

繡毳山楂木瓜藤花薔薇鳳僊游龍南燭秋海

棠染指草五色米殼

草則多蘭多萑葦虎鬚繡檄百合萱萼玉簪枇
杷帶紅花煙草大藍草小藍草

藥則多艾多欸冬花牡丹皮蒼朮

羽則多烏多鵲多鷹多鷓多燕多雉多飛鼠蝙蝠

蝠斲木黃雀松雞鳧鶯翠鳥

毛則多鹿多麋多麂多豺多狼多猫多熊多獬

猴

鱗則有五色金魚

甲則多鱗多螺多龜多鼈

霜華別案之 物產志

望

油房有旱水磨取菜子脂麻白紅花子菜實作

油

石堤峪山居以木爲機引水舞蹈磨榆杏雜木

作香四十里間桔槔相亂亦用械之精者上下

蓋有千輪貴貨甚廣

蜂房作蜜作黃蠟又有一種崖蜜蓋蟲釀蜜于

崖石間卽本草之白蜜是也往往山間多有之

人或攀附而採焉

南山多漆樹人咸採之以資用其子亦可作蠟

供神極潔

陶人埽埴作甌甌 甌甌甌瓦 蠶絲鰲魚之類

畜羊剪毛作毳毼

華北以筐篋鬻書

符禺之麓干頃漫產朝菌大者如斗肉厚味甘
三四月間採之

萑葦織曲薄篋笥

藏捻綿作紬

麻椶皮作緹羈鞋屨

近河居民作舟以行水大有利益

大藍小藍居民種之製澱或資其用

續華陽志卷之二 物產志

吳

豐原鄉地瘠產紅花四方商多來售者

西境多桑蠶絲極豐商多以華絲稱最云

侯坊善製髹器或爲四方珍異以資之又善作

囊

柳子鎮王宿莊善絀作大布

沿山一帶地石民貧種柿作餅鬻爲日用之資

州東北土波塞善製綠黑葦爲今所尙蓋綠刀

劍鞘鞍轡韉子夏服橐鞬之類

州西關贏店僱傭日廣昔則無之蓋自此始

省鑒志

明萬歷二十八年秋成嘉穀一莖三穗郡人有瑞禾昭德碑以美實公者

萬歷四十三年五月自五更有白氣從東方出至明方滅有一年餘

崇禎十三年七月蝗自東入關盡食禾稼大饑來麥斗值六十銖牟麥斗值四十八銖死者無數

十四年蝗生子蛛復食禾稼荐饑枕屍相籍慘不可言

續華州志卷之三

省鑒志

七

白厓湖自宋天禧五年阜頭峰崩其下水出澗泓數百頃時以爲海眼禱雨輒應人不敢以石投之者疑爲蛟龍所窟以靈湫弗測也至十四年大旱湖竭自岸至底僅二丈餘止有鯉魚大不過十筋無復異物人盡捕之湖底悉厥黃壤民各分畦耕種會年湖水忽盈復齋森如昔此一異也

十五年有白氣見于西方自酉至亥始爲紅次變爲白方滅

十六年六月十五日有白雲如帶自西北起竟

天東移過月號蚩尤旗云

十六年九月初四日太白晝見

國朝順治五年四月初五日大雪八月大水秋成有嘉穀一莖四穗者

八年五月十三日瑞芝產于水莊王氏家屋梁極上有五色

十五年十一月二十九日大雪雷聲震野白此至康熙戊申大稔

十六年十二月初十日大霧

十七年十二月二十五日地震其聲如雷

續華州志卷之

省鑒志

吳

康熙二年四月二十一日紙坊村民家生牛一蹄在背上此在下生上之病也

三年六月二十二日暮大雨石隄峪幾二丈餘摧傾橋梁沙沒稻田水逾官道至趙村侯坊等處

順治四年虎入城至康熙四年猶然王公祭之又于城隍廟築峻屹虎不復入不爲民害

六年三月蟠龍嶺石佛殿內龍見擊殺設色之工一并碎大石昔明末少華峰有龍出玉皇殿

泥龍內坐山道人諸生張天錫見之

七年正月見人執一雌雞有四足其二足短而拳在前足之後又見有一雄雞三足其一足在後

正月二十六日晚有白氣見自西方西射至午字自酉時至戌時滅後月餘方消

五月二十六日申時大風從西北來大兩歷西至戌水暴起淹沒多所其甚者惟近漏澤園一堡墻屋房舍盡爲傾圮至陵谷變遷每每有之古云滄桑多異或亦有是乎

八月十九日戌時有大火如盆自北而南燭地

輒明

續華州志卷三 省監志

吳

二十五日子時大雷雨地微震是月十五日秋分

八年秋禾告登一莖三穗又韓王公上其事華下諸生有嘉禾昭瑞頌以記之

十年九月二十五日城中楊芳李模二諸生家牡丹一株大放與菊爭妍劉子有詩以記其事十一年六月聖殿西梁木產靈芝其大徑五寸

許花五層

六月西溪生合歡蓮其花一莖兩房

七月二十三日蝗入關中未嘗害稼此一異也
按尙書伯禹治水曰導曰濬滔天乃平水性柔
而用剛䟽淪之有順從之義焉壅闕之有凌逆
之勢焉華西沈水東小敷谷水天旱則涸雨澇
則溢湮沒地千餘頃經歲告災民甚苦之其故
緣北入渭地高近因愚民侵取岸卑渠隘狂瀾
流禍何可免哉今守土者嚴懲附近侵種之家
使廣開數丈寬自能容高築其隄厚自不洩則
水患可免而田無昏墊也父母一方可不軫念
豫防乎

補省鑒志遺

春秋傳載秦始皇一段在隱逸考補遺

堪輿家云壽星鄭之分

西京雜記云元封二年大寒雪深五尺野鳥獸皆死牛馬皆踳踳如蝟三輔人民凍死者十有

二二

晉天文志云柳七星張周三輔宏農八柳一度

晉書云鄭雲如絳衣

袁宏漢記云赤眉亂後關中大饑黃金一觔易

五升穀

續華州志卷之三

省鑒志

至

又云獻帝時三輔大旱帝避正殿請兩遣使者洗囚徒原輕繫是時穀一斛五十萬豆麥一斛二十萬人相食啖白骨委積帝使御史侯汶出太倉米豆爲饑人作糜粥經日而死者無數帝疑賦卹有虛乃親於御坐前量試作糜乃知非實使侍中劉艾出讓有司於是尙書令以下皆詣省閣謝奏收侯汶考實詔曰未忍致汶于理可杖五十自是之後多得全濟

陝西通志云東漢獻帝初平四年六月華山崩

裂

晉書云惠帝元康三年六月宏農湖城華陰雨
雹深三尺是時賈后凶淫專恣與春秋魯桓夫
人同事陰氣盛也

文選注云元康七年正月周處死七月雍州疫
大旱關中饑米斛萬錢詔骨肉相贖者不禁
晉書云晉義熙二年姚興時華山郡地湧沸廣
袤百餘步燒生物皆熟歷五月乃止

又云初石季龍使人探策于華山得玉版文曰
歲在中酉不絕如綫歲在壬子真人乃見及此
燕人咸以爲慕容皝之應也

又云東晉穆帝永和八年符堅僭卽皇帝位蝗
蟲大起自華澤至隴山食百草無遺牛馬相噉
毛猛獸及狼食人行路斷絕

又云十年七月庚午大白晝見晷度推之災在
秦鄭

南部新書武宗夢爲虎所趨命京兆同華格虎
以進至大中卽屬虎

廣異記云開元初有三衛自京還青州至華嶽
廟前見一婦人容色憔悴曰已非入華嶽第三

新婦夫婿極惡家在北海三年無書信問君遠

還欲以尺書仰累海池上第二樹但扣之當有
應者言訖訣去及至北海如言送書讀之大怒
乃傳教西伐華山命左右取絹二疋贈使者三
衛後至華陰復遇前婦人拜謝曰三郎怒君達
書將兵于潼關相害可且還京不久大駕東幸
鬼神懼鼓車君若坐于鼓車則無慮也後數十
日元宗幸洛三衛隨鼓車出關

神仙感遇集云郭子儀從軍沙漠間因入京催
軍食廻至銀州夜見左右皆赤光仰視空中輶
車繡幄中有一美女坐床垂足自天而下子儀

續華州志卷之三

省及金志

三

拜祝云今七月七日必是織女降臨願賜長壽
富貴女笑曰大富貴亦壽考言訖冉冉昇天猶
正視子儀良久而隱子儀後立功貴盛威望炬
赫大歷初鎮河中疾甚三軍憂懼子儀謂御醫
及幕賓王延昌等曰吾此疾自知未到衰殞因
語其事衆稱賀後九十餘薨

陝西通志云唐明皇開元四年六月辛未京師
陝華大風拔木發屋端門鳴尾盡落

又曰唐順宗永貞八年夏同華二州旱

賈氏談錄云華嶽金天王廟元宗御製碑廣明

初其石忽自鳴隱隱然聲聞數里浹旬而後定
明年巢寇犯闕其廟亦爲賊火所蕪隳其門觀
陝西通志云宋太宗建德二年九月華州渭南
縣圩蚘蟲害稼

又云宋仁宗天聖六年庚戌同華等州旱圩蚘
蟲食苗

迎仙橋記云明嘉靖十三年五月二十二日水
自西來深一丈北至明沙南至柳子漂流人民
淤泥深淺不可勝記

藝文志

明御製

世宗正孔子祀典說

世宗正孔子祀典申說

世宗聖諭

國朝御製

世祖臥碑

大清律

續華州志卷之二

藝文志

五

補藝文志遺

通紀云堯觀華封華封人祝曰使聖人多富多
壽多男子堯曰辭多男子則多懼富多事壽多
辱封人曰天生萬民必授之職多男子而授之
職何懼之有富而使人分之何事之有天下有
道與物皆昌天下無道修德就閒何辱之有
唐柳宗元賀嘉禾表云幽州華州進嘉禾圖各

一軸

古今人詩文集

袁宏道古槐詩

孫枝郁郁徧三秦溜雨籠煙不記春若論花
黃忙舉子已曾忙過九朝人
古槐修栢琅玕竹曉日晴嵐翦翠山踈影半
總鳩忽語湘南煙水夢初還

遊白厓湖詩

直從鏡裏窺東海還向峯頭憶北崑跌坐石
盤須盡醉浮生別具一乾坤

段猷顯題槐詩并序

華州公署古槐一株萬歷已酉余友袁中郎
過其地愛而字之以詩屬余余時校士關中
未遑也越十五載余再起秦藩復宿于此顧
亭碑尚在而中郎已不可作矣不覺愴然為
賦四什以酌夙願時天啟五年十月也
此物神應護經年只自如孤根蟠地曲踈影

續華州志卷三 古今詩文

垂

半空餘茂月催人老風霜入鬢初石亭猶自
好君已到華胥

讀罷顯詩處潛然一愴神那堪十載後倏更
兩新人泰昌天啟素壁煙嵐濕頽垣苔蘚新

廣陵今已歿君去與誰論
老幹孤標歲月殘撐霄插漢耐霜寒一從吏

部顯名後莫向雲山幃子看米元章有幃
清陰圖

飽露籠煙翠靄浮不知閱盡幾春秋可憐多
少風塵客盡是當年夢裡遊

何景明過華州詩

大復先生字仲默信陽人舅曾攝華山驛事
髫年與偕舅嘗與郭諸生飲每在側試對輒
竒之後督學關中校士華下于發落日唱郭
生名于三等班中迺曰昔年曾有一字之益
記不遂給一等紅花又寄過華詩以咏懷念
舊云爾

秋城雨色淨微塵過陝山河望轉新天上岳
蓮開二華雲中關樹引三秦追遊少小還今

日浪跡乾坤任此身乘興更攀仙掌去未知
登覽共何人

李攀龍問華渭諸生策

問潼關于穀函其猶重礎也在昔疆秦建瓴
山東注如決雷每一出兵割地效賂有若俯
拾山東諸侯合從而來止于一夫成列而進
道惡爲解則俯仰之勢異也今天下爲家聖
天子封域殺函不異宇下山以東何患焉獨
以北人馮陵數入寇上谷北地間而先零諸
羌往往窺西河玉門諸塞一旦交困秦人之
卒空國出乘障矣卽有若往時大盜殲聚尚
洛者竊發其中鼓采金鷲鹽之徒以爲有司
者難扼潼關而據黃河之津則山東之援不
至守武關以分勃漢中諸邑則鄖陽之師不
入西北出藍田以犯長安而稱屯灞上雖欲
不棄華渭不得也此非王公白失其險而制
于人之道乎二三子華渭之間人也其明發
念亂久矣何以教我

續華州卷之二 京詩文

庚

黃卷謁郭汾陽廟詩

王三錫郊迎直指對少華山新雪詩

初雪含陰少華嶺薄凝雲氣暗秦川瓊姿色
借竒峯起素練光搖絕壁懸行鴈乍臨疑不
度斜陽微射景逾妍閉門高卧人千古負弩
嘶予役執鞭

畢懋康華州署中待告詩

華峯崑萃上下霄春日曛曛雪漸消慷慨頗
看龍劍吼馳驅寧惜馬蹄遙風清旅夢驚殘
拆月滿歸心望大刀親舍天涯腸欲斷白雲
遶莫向人飄

題公署聯

秦關春樹偏宜驄馬嘶風皇皇者華誰採虎
山之藜藿
渭水晴雲新刷龍泉吐氣行行且止共儀鳳
彩于梧桐

祭告使者楊時薦遊山阻雨詩

持筇登疊嶂滿目盡風煙雨濯仙人掌波滋
玉井蓮馬從天際度人向半空旋雖未遊崇
嶺蒼茫別一天

來復龍耳山詩

龍耳峯尖指點真杖藜二月領山春汾陽王
氣難消歇千載英靈合有人

郡侯吳我彭夜夢五龍曉起遊五龍山同茂才

郭美中張漢明東憲明王爾釐往而孫生別

業在山麓偕其中父老載酒勞苦小憇元宇

漫成八絕時萬歷壬寅秋七月望日也

萬仞凌青俯瞰城二華聯秀更雄名英靈未
厭風塵客為遺龍珠入夢清

續華州卷之三

古詩文

堯

雨消殘署霽甚隣禾黍芄芄附郭田遊客漫
勞重載酒揭來誰疑會稽錢

頻瞻紫翠遠沉沉快此班荆共嘯吟夢裡五
龍何處竟一天珠彩照雲林

蜿蜒絕絕珠可數掣電搖雲傾澍雨洞門松
老黑陰垂指點遊人今亦五

穹窈風門不可窺元宮過兩動涼颺何須丹
井尋勾漏只此披襟亦沁脾

遠麓長林妥帝居風燈懸處照虫魚赤松此
日遊仙約碎穀何年籍尺璫

天削芙蓉對署開蒼青色色可呼來登臨慚
有曼倩在應笑儂慳作賦才

東望三峯此亦孫帝祠勝雲近天門雙鳧可
借搏風上一瞰滄溟見化鯤

將發瓊海憶移山舊遊寄王爾釐秀才

春風遙憶仲宣樓舊日追隨未可求潭水尚
留冠蓋影居人誰共芟荷秋二華長結荆州

望五嶺聊為瀚海浮遲爾圖南雙翮健莫將
離思祗悠悠

蒞華政畧 郡侯吳我彭撰

甲戌記事序 郡侯史文楷撰

郡侯鄧覺斯防峪宿大明寺中秋對月獨酌詩

皎皎尊前月依稀野寺林雲間山翠滴夜靜
魄光深酌酒慚無侶敲鐘幸有音興來遠眺
望風露上高岑

峰煙無計靖日日掃塵埃忙裡良宵過客中
好月來乘閒聊把筆破悶且嘶杯危坐叢林
內逢僧話鏡臺

秦遊草 郡侯王又韓著

石堤峪記 州同知秦駿生撰

僕本浙人性怡山水日走華山之陽撲塵迎
日自以鷲峯虎阜祇堪夢遇豈知几席南山
藪函靈惟令人應接不暇哉達人顯士雖過
焉而莫問村舖野叟日習焉而莫知不入龍

續纂卷三 古今詩文

六

門之素未窀石鐘之鳴藏壑畜天山靈亦自
秘其樸矣歲在丙申蒲月幾望以役叩青岡
指石堤峪則少華馬嶺之辨爾緘溪問道纒
窺半壑度小石梁乍見可喜如山陰道上繼
躋川原步沾石落澗中愕與娛集土築畦種
目暇暇乃識秦俗之勤地無曠室流動入寂
柳何減園公引水掾香無慚蘭室流動入寂
舞蹈者機木盡石疲消靡成貨信乎無用之
為用非寶之為寶哉
七里坡陂崖得三澗石得四水得二沙土纔
得一彌得彌厲固問徑者所云畏途也倪視
涵澹間孕為碧燦為英剖為硬勻為殺文旋
為螺文苔痕五色泥朝露而錦鮮星墜干殘
珠階庇而列幻將九重之巍澄百級之日躋
者乎
抵東岐溝履礎蹈編梁即在蜀道所云棧者
小大異崎正等爾自此級益高石益縱眼虎
鬪牛浴豬驚兕破殿綠裙黃伏駭波間呼吸
風雨為濤為雷一往無清耳乃者壁狀愈怒
初衣蘿薜繼乃裂膚骨立如癰僧已復彈丸

魄壘如積螺岸忽又水紋細碎切切層出丹
青數十家皴法備入譜中

一望灰池數里傅粉不知造化小兒捏此誰
啖葦園稍開拓大約枯棹磨厲與吞咽岩突

聲相雜正聽莫聞也進千崖一峯屈特並獨
不可攀鸞巒兩崖每迭愈兀指不勝屈茲班

以千八名徒以其孤挺爾銅柱標威乎班班
乎鼎菹之色矣山氣欲藏山心欲啟于茲戶

一進則南若展屏北如支戶更進則枋楣較
大已乃如交屋仰覆人坐广中值回颺慘欲

裂肌湯湯內忽飛霹靂足酒塵襟禽稱絕潤
訟發安于風號石峪敢思樵徑山魃所闢以

崇法界抑亦道家所建以禦鬼物者乎
至董坪林木遂合雜花鬪紫錦纈千端萬綠

嘶調成笙瑟蟻引以進行緯而度螺旋以轉
猿按而升溪中走馬潛窺洞底人龍木末肩

輿長嘯林間風虎固已竭雄心而一視堅欲
往而必登者矣若乃描山改勢盡水移情涓

續書志卷之三 古詩文

三

流涼酒將澄素土之懷噴洞怒號恒振勇者
之骨轉九滔汨識旒折之矩規遇坦即夷實

浩落之懷次流觴有詠舊擅蘭亭錡潭得名
風經柳跡末若石坡之叢鬱餐勝而有歸水

也石坡一片纔中虎阜什一然中界細流如
行席上盤薄十餘人不喧不寂北一巨石如

狡狴夜蹲短木翳霧承雲度月蒙茸籍草正
如益盎問物可攜可弄修廣數百步羽觴之

事富矣愧非安石哉
迤邐度秦嶺遂行蒼薄中莫審岩穴流愈細

陰愈合步愈艱披覽遂鮮實履巖四召下矚
杳暝雲嵐瀾漫比肩接踵若眾弟昆翼葉相

承若高曾之拊雲耳要不減云亭梁父
吳公三益益蒼涼然將軍衣錦豈忘碧鶴耶

君天女支機不斷沈紗寸縑悲鳴古舌徒令林
幽喬涼颺習習罔分凱朔靜如太古徒令林

深不知明月來照哉自石坡至青岡四十里
絕無綠宇忽天開千敞迥出雲際城壑封固

扁若苞萼深山大澤必產龍蛇余以此爲瓊
宮元圃捫躡生風矣川岳韜銓每所勒惜鑿

坏築塹艾草披荆不遇其人終古不出哭華
巔捫岫巉未能駢使翰墨縱橫奚囊時使人

快快耳

茲遊之勝約盡于石坡出山倒騎幾成冒見

還過二山門有圭石當去道卓立兩隅籍芸

披蒨若在庭除間必當下拜可云思址至

于崖又別一狀昂首頓翼無飢鳴嚇鼠傲睨

而未下咽比三鷗邪視而欲爭之在腋下平

拓畝許臨流蔭暑可使羅袂生寒其東一小

石壁疊床漱齒待月爲早

自葦園直下驟折三坂峻崖截道危颺搖風

足不能住灰池迎望塊磊成池淳泓堪挹宜

荷宜茨惜無曉人點綴天工前有平臺整削

可燕旁巨鳥啄疑啄粒焉仰視數武間則雙

鷹俯之疑興攢肉者易一面則負履道人偃

僕抱膝頭右目而西上威巨石立者卧者峭

南岩稍展傍北行道無字之碑林間無寂音虫

者側者成數十道無字之碑林間無寂音虫

聲鳥聲風聲水聲備幾百調有韻之譜俛首

沉思正吟正吟忽抵石梁下馬足不前而危

讀山集卷之二

京詩文

奎一

垣欲墮坡公云藥乎其不可留也時暮色漸

興赤雲東射微環匝甕城數轉不可出前呼

後啜作硜硜响彌旋彌下穿地乃得隧始知

向者之彌高

再至東岐溝而嶮峻矣谿民久畏兵革望冠

劍輒避匿兒窺石隙儼鼯鼠之伏田婦走岩

間似駭鹿之歸壑卒也壘成天塹終爲爨下

之烹埋王士間永作溝中之瘠是以雉才建

業必爭四達之衢達士審時不恃走險之用

要以中無可欲非銅銅山已實不貪無勞被

禍

凌晨返七里坡但見山容如書喬枝硯石布

置勻停當是南宮衡山得意筆及吾家懶菴

巽墨淋漓手自植梅處攬辮出谷口則前一

岩虛安蓮座沙彌懷鉢綠崖而登幾及未及

舒足卽墮危乎其欲昇也回至黑龍潭澄淵

莫測蓋動而有靜體望谷口浩淼潏潏想渴

龍奔處騰縱何極宇宙甚大靡可方物至其

碗亂于堆擁于去路石屏樹塞深似留行僕

亦徘徊而未幾已日數水壁交橫如卦畫擬

議魚腹江上馬策指處紫屏千幅可萬道榜
可百代碑似欲余鉛塹疏記上配磨崖者嗟
乎余所見山川有幾矣未見摘剔骸骨如峪
內者斯知乾坤摩盪有正有奇日視二華膚
廓頽禿成形茅土爲質謂其枝調踈畧大塊
不甚奇意豈知孕毓幽秀在耳目未接之區
華英蓮萼個個成花巨壁掌撐枝枝可把秦
嶺爲貫花之蒂秦仲爲振籜之使哉所疑者
有璞不採謂延無人有材不翦謂晉實用和
珍趙壁遠則連城豫章椅桐必走千里砥硤
乏砥琢之資砂鑛缺煅煉之用斤斤沿茨土
之習守捺莽之舊哉

李楷甲辰八月宿盛際社友盤龍空紀事詩

湖山懷秀善最是小芙蓉主者相留意嘉魚
釣石涼停車千樹影下榻一溪鐘積雨鴉聲
濕高齋燭暈濃始知城署側不碍大儒踪五
雅資談塵廿年淬筆鋒手書將等尺心蕝久
難封所著有考數期編古今齒賦數種頗有惹快劇吾還
恩衰殘老自慵每來思祭酒此夜見盤龍商

續華州志卷之二 古今詩文

奎

確秋詩句倒傾舊瓦鍾追歎皆勝賞細行尚
能恭親友天涯幾深期倘許從

盤龍空考數類編 李楷撰

長春圃詩集 王庭詩著

松門稿 王庭譯著

三巡奏議漕運奏疏大河志叙 劉士忠著

肖心稿蘭若寺碑記 梁都沐著

華山經億畧 東蔭商著

松談閣詩集涉園雜著 郭宗昌著

郭宗昌白厓湖歌

黑雲漠漠天突兀十峯五峯修欲没平湖淨
浪忽翻空波濤怒倒鼉鼉窟欲去不去空徘徊

徧萬水洶歛萬壑哀管眼諸山默冥耳翹首
中原寥廓哉須臾四壁纏煙霧頃刻千林兩
如注飛厓似有神移來傍屋或被風拔去浩
浩勢欲凌崔嵬溟溟噴沫如浮埃巖崖砢砢
惟石裂谿衍高岸松杉摧天地暫澹天威震
咫尺蒼茫看不得日月昏靈亦摩娑四望雲
撼終難測陰飈颯颯胡爲乎摩娑四望雲
糊羣醜恍忽波面出裂皆一視向日徂左騰
右蹕動坤軸饜吞鍾汲競相逐瞬息血肉俱
零亂夜半啾唧衆靈哭翹翹飛豨更跳梁射
影含沙不可當行有溫嶠犀欲然爲言魑魅
可潛藏

泚園孤石詩

排空亂石盡凌雲便假笏袍祇拜君獨秀豈
殊千嶂色孤標不與衆峯群含暉一散洪荒
氣滴溜雙垂太古文淋漓杞人憂不細補天
極思更紛紛

周岐陽石古文跋

續華州志卷三 古文詩文

齋

岐陽石古文有謂爲周宣王獵碣者惟董程
二氏以左傳成有岐陽之蒐證之皆鑿鑿有
據其畧云考之書天子大蒐會諸侯施命令
非嘗事也史不得無書若宣王蒐岐卽周史
失之列國不得並逸胡後世無聞焉則爲成
王信矣其言真如岳峙不可復撼第廣川有
其學有其識有其辨而無其筆故不勝臆葛
糾纏確論反晦耳鄭樵謂爲秦惠文後及歐
陽三疑皆瞽說迷謬不足與辨韋應物謂爲
宣王之鼓宣王刻時真如少君舌強之徒曾
目視其事也何物又有馬子卿者以爲宇文
周時作一似無目者益大可咲如此樵又謂
石鼓者並碑之漸千載名言至謂以石爲鼓
繇其土地之所出則非也古人制作尙象不
爲虛器豈止以地之所出苟且不法耶觀九
州貢物攷工制器無一不窮極與渺以石爲
鼓何所取則乎今石在大學聖廟戟門左右
竇護無人冬輒篝火撫榻燬剝日甚余曾手
摹其文與鼓形了不似其堅艱玉故能久存
就石形之自然少加瑯琢旋轉刻文行字或

七或六少華山前石之堅潤者與此無異想
當時因有佳石卽刻置苑所而已第文無不
典字無不雅民休王遊自加寶愛此三代有
道之長也非如後世竭力徵石造天無極刻
龍繡螭築籓置守妄意垂遠然不一轉旣旋
罹野火能得鬼神呵護至今哉悲夫余旣裝
潢成而題口周岐陽石古文斷以成王時物
而不以鼓名足刑古今之謬

華庠二祀考 東文翁著

南毗社詩草 郭宗昌 郭峴 東肇商 郭蕃
王承祐 張久經 郭思 東陸商 王承之

鄭社詩草 宋瓚 張統 王承祿 張世錫 王承祜
張廷統 劉遇奇 王會圖 郭民藩

武桓 劉遇奇 釋如應

懷雅社詩草 王理 郭孝延 張漢明 王增
劉洙 宜元熙 張洞明 李藻

劉湛 孫織錦 劉建奇 劉楫

續華州卷之三 古今詩文

抱影廬詩 郭思著

萬玉山房稿蘇門草 王承祐撰

鳴鳩集蜀遊草 王承祐撰

碧梧堂詩草抱膝吟客窻瑩語 郭民藩撰

蔭松草 郭孝延撰

倚松草 王理撰

月軒集 劉湛著

松吟閣詩 孫織錦著

篆石園集 張漢明著

濯翼閣詩草手括八種 王增著

張工部詩草 張必大著

張必大登潛龍寺三首

偶向招提成快游，追攀恰喜共緇流。
山花帶雨繁香遠，石磴鋪茵細草柔。
泉冷岸陰堪却暑，日長松色宛含幽。
殘煙杳靄遙空外，坐看碧空映斗牛。

其二

曉峰萬片曙光幽，迴合疎濃一帶浮。
淪石溪聲聞隱隱，垂崖蔕幙望悠悠。
林氛曉暖不成霧，夏氣蒼涼爽似秋。
爲願負春長住，此條然身世一蜉蝣。

其三

如迎如拱盡奇峯，幽壑風生送午鐘。
一且頓清宿世骨，幾同仍覓羽人筇。
班荆移石雲根絕，汲澗烹茶雨氣重。
徙倚况逢方外侶，談禪跌坐水淙淙。

續齋卷之三 真詩文

矣

石湖遲月同東石湖

移樽促坐碧潭灣，可堪蒼茫暮色闌。
月印澄波又一月，山橫暝靄似無山。
自分幽癖堪投壑，那有眞仙問大還。
願借東君一掌地，結茅相共水雲間。

沚園舸中

爲羨伊人一水濱，方舟載酒過從頻。
山容嵐氣層層合，柳浪荷香面面新。
照影渚光紛作鏡，忘機鷗鳥衆爲鄰。
烟波深處堪垂釣，不使羊裘擅富春。

寄王季安

湘魚塞鴈兩難尋，脉脉離情無限深。
天際暮帆連浦影，月中霜杵動鄉心。
也知終舊相如賦，莫慮無多季子金。
解榻論心須有日，拚浮百斗夜光沉。

懷郭允伯

不共芳樽兩載餘，爲因王事久馳驅。今時無路推司馬，他日相從研魯魚。漢水蕭蕭停古渡，嵐煙漠漠澹吾廬。離情落落別無寄，屋月江雲尺素書。

先師廟祭簿考數類編古今齒帙詩經通考四

書通考日錄五音姓氏六十事盤龍空集劉遇

劉遇奇古槐記事說

華州公署有古槐一株，相傳幾五百年，菁叢茂密，影餘婆娑，其蔭蓋竟畝云。于是摺紳先達乘遠關中，過華而于時宿宿于時信信未嘗不駐節，哦吟飛觴眺覽，蓋羨夫此木之蟠亘誠深而結構彌遠也。亦奇觀哉。昔年先有吏部袁公題詠後，繼以殷公，四什爲烏有槐，思人之慨肆今亭石剝落，根株化爲烏有槐。安國南柯郡縹渺蒼茫于無何有之鄉矣。言念及此，感慨係之。此木托根城市，冠蓋雜還兵馬，絳繹無足，惟耳華西溪之澗，有古松焉。

續華州志卷之三

古今詩文

卷

棧林八景詩

一曰萬戶朝煙

堡居相望聚蜂屯，遺跡傳聞鄭縣村。今古滄桑多異變，廢興禾黍自涕痕。煙光徧繞咸林瑞，爽氣常開閭里繁。我欲登臨詳戶口，生全端有賴明尊。

一曰山林寶藏

金玉光含岳岳氣，青物華鍾毓煥山靈羽。毛輝散珍奇跡草木，祥開錦繡形內史鬱葱猶外府。關城精聚是珠庭，按圖武下知生產。何事輜軒待問停。

一曰石堤香輪

人生巧奪旋乾勢留作機關運水磨木屑翻
成堆激灑壽聲散處舞婆娑干輪較古候同
戶萬姓從今利自多惟此谷中資眾賴窮簷
誰不飽山阿

一曰百果綴珠

名園勝地是良遊垂實離離五色稠萬樹枝
頭光燦列千山圃下景芳秋賓筵相款須珍
薦貢獻區私更拔尤碩果于今稱獨最上林
原可諫停修

一曰岡巒樵跡

峯危巖嶮信難攀鳥道盤曲問徑灣惟仗斧
斤通攘剔不知險峻入深山民事能勤恒盡
力田家作苦辦餘閒薪蒸止爲供財用負荷
誰言虎豹關

一曰春乘楷樹

續華州志卷三

古今詩文

奕

境外微行沃若滋懿筐攀折日遲遲倘來不
厭柔條嫩持去端隣曲薄飢三起三眠泔泔
統一經一緯供纜絲誰知捋采侯旬盡腹有
藥成手不龜

一曰綠畦桔槔

灌園何論百畦華地風光數北溪抱甕丈
人頻欲隱於陵仲子自知栖人功旋轉天和
潤井汲餘波水利齊軒軒如林機法巧村村
漑處送鳴西

一曰盈塍秔稻

招禺合灌擅名川收入廣饒第一田荷挿成
雲勤水耨種秧及雨茂芳疇玉稜長畝香風
潤金液浸流細蕙穿極目綠濤多萬億匪今
有且自年年

宜元熙古松詩

挿澗長松拂碧霄虬枝錯落護溪橋龍鱗日
吐晴虹氣馬鬣風生海月潮蓋偃經年閱代

謝陰濃逐雨感飄搖孤根久託幽巖地休說
秦封爵浪邀

眠雲石詩

巖外奇皴往代經賢侯題賞傍湖汀蘚沉山
月眠雲字響著桃林蔽芾銘遙憶愛遺餘古
木猶新墨潑燦台星復成自此垂不朽循吏
聲華斐汙青

秦皇觀址詩

觀肇秦皇闕古今循良銘識嶺雲深當年尚
有喬碑著此日何傳郭域臨半落晴霞飛絕
澗空餘皎月照高林徘徊遺址多更變遙憶
諸公寄遠吟

少華峯詩

帝座通天上孤峯插漢間攀蘿躡鳥道擗管
入雲山極目秦疆盡凭欄晉域環飄然人境
外俯瞰小塵寰

續集卷之三

古今詩文

堯

劉湛宿環翠岩詩

晴嵐乘興看峯頭爽霧河山一望收新月光
開瓊闌夜微風展振碧林秋曲蟠鳥道連天
漢晉嶂松岑掛斗牛坐對幽人清話劇雲深
恍擬到蓬丘

劉建奇登蟠龍嶺詩

時甘公桑公嘗遊此

蒼龍結聚勢分遙蕨得芙蓉小辨么險壓秦
城通北塞遙連惇物貫中條三台會照雲林
色六察常題山寺標從此登臨懷往事詩思
能不起宣驕

鄭澗野望詩

紅黃數點亂西溪問過山家聽鳥啼朝雨無
端飛野徑晚煙何自籠荒畦留連澗畔青松
古遠眺寒濱芳草萋客去杜陵懷往事于今
能不共分題

學易日記劉子藏稿

劉澤溥著

劉澤溥行次靈寶縣望見華山

堅氷遊子別秋至乃歸期忽見三峯色還疑
是夢思蓮花迎客笑玉女出頭窺知我煙霞
性山文寧遠移

三月廿五日東雲雜南遊

頻年憐喪亂吾道莽荆榛一枕從高卧扁舟
遂隱淪過梁忽萬里適楚正三春踪跡原無
定文章獨有真湘江須作賦衡嶽運關身鶴
鷺邀知已鹿門招比隣珍懷寧暗售物態敢
輕論異俗難為客離尊易倦神風塵猶汗漫
壁壘且逡巡秋至莫留滯家山盼故人

竹齋詩草 劉著

獨我來何暮先生往未逢深居猶有竹虛閣
罷談松鉢雞韻開五柳清風在孤墳宿草封
硤陘隴低徊無限意雲岫自重重

續靈寶縣志卷之二

古詩文

辛

沁園

荒園何所有日涉每忘還池匯諸川水門分
二華山石城煙樹合溪閣野雲間髣髴蓬瀛
地幽棲可駐顏

同友人遊白厓湖登阜頭山之作

登湖千頃擁嵯峨握手遊來一嘯過水氣濕
雲連小華山光留酌望洪河樵歸谷口行還
唱鳥戲波心飛便歌此日登臨不盡興煙霞
滿眼意如何

補古今人詩文集遺

晉陰飴甥對秦伯

晉潘岳西征賦

入鄭都而抵掌義桓友之忠規竭股肱于昏
主赴塗炭而不移世善職于司徒緇衣傲而

改爲

公主峯記

事見隱逸攷

唐喬師望小華山西峯秦皇觀基浮圖銘

巖巖靈岳峻極氛氲下飛懸布遙橫庫雲雄
 風翼立觀起秦君卽高因遠萃然出群詎俄
 祇園無勞孤給乘基表刹載懷興草月掛嶺
 松參差相及天歌人梵往來謠習伊初就列
 走石駟名曉行應止何爲振纓句如樂獵關
 塞逆清越奉執風塵不驚縱誕務閒歸依淨
 域蓮池花造削成神力繪綵無施煙霧爲飾
 以斯莊敬迴資動殖今之建塔昔者沉碑桑
 田不定陵谷須移有辭補有離思超彼岸厥
 入禪枝
 銀青光祿大夫檢校華州刺史上柱國襄邑
 縣開國子驛馬都尉喬師望製文并書
 大唐上元五年七月十五日勒

續華州志卷之三 古今詩文

主

皇甫冉送榮別駕赴華州詩

直到羣峰下應無累日程
 高車入郡舍流水出關城
 草色田家迥槐陰府吏迎
 還將海沂詠籍甚漢公卿

王昌齡鄭縣宿陶大公館贈馮六元二

儒有輕王侯脫畧當世務
 本家藍田中非爲漁弋故
 無何困窮耕且欲馳永路
 幽居與君近出谷同所鶩
 昨日辭石門五年變秋露
 雲龍未相感干譎亦已屢
 子爲黃綬羈余忝蓬山
 顧京門望西岳百里見郊
 樹飛雨祠上來雷然關中
 暮驅車鄭城光秉燭論往
 素山月出華陰開此何諸
 霧清光比故人豁達展心
 晤馮公尚戢翼元子仍踟
 步拂衣易爲高論跡難有
 趣張范善始終吾等豈不
 慕罷酒當涼風屈伸備冥數

小敷谷龍潭祠作

崖谷歎疾流地中有雷集百泉勢相蕩巨石
皆却立跳波沸噴噪深處不可把昏爲蛟龍
怒清見雲雨入靈惟崇偏祠廢與自茲邑沈
滯頤多味與手遂不葺吾聞被明典盛德惟
世及生人載山川血食報原隰豈伊駭微險
將以循毗揖雄飛振呂梁忠信亦我習波流
浸已廣悔吝在所汲谿水有清源褰裳靡沾
濕

武元衡夏日陪遊昊天觀覽舊題寄同里楊華

州中丞

三伏草木變九城車馬煩碧霄迴騎射丹洞
入桃源臺殿雲浮棟綬纓鶴在軒莫將真破
妄聊用靜持喧石磬古苔冷水筠涼簟翻黃
公廬下嘆旌旆國東門

王建贈華州鄭大夫

此宦出入鳳池頭通化門前第一州少華山
雲當驛起小數溪水入城流空間地內人初

續筆先卷三

古詩文

三

滿詞訟牌行草漸稠報狀折開知兩足赦書
意過喜無因自來不說雙旌貴恐替長教百
姓愁公退晚涼無一事步行携客上南樓

杜牧望少華三首

身隨白日看將老心與青雲自有期今對晴
峰無十里世緣多累暗生悲
文字波中去不還物情初與是非關時名竟
是無端事羞對靈山逼愛山
眼前雲鶴不相逢何況塵中事作爲好伴羽
衣深洞去月前秋聽玉參差

杜甫至德二載甫自京金光門出閭道歸鳳翔

乾元自從左拾遺移華州祿與親故別因出此

門有悲往事詩

此道昔歸順西郊胡正煩至今猶破膽應有
未招魂近侍歸京邑移官豈至尊無才日衰

路逢襄陽楊少府入城戲呈楊四員外綰

公自注甫赴華州日許寄員外茯苓鶴曰綰
字公權華州華陰人代宗即位綰自賊中冒
難赴行在除起居舍人知制誥歷司勳員外
郎

寄語揚員外山寒少茯苓歸來稍暄暖當爲
廝青冥翻動神仙窟封題烏獸形兼將老藤
杖扶汝醉初醒

獨立 鶴曰時公遲回於華州賦此

空外一鷺鳥河間雙白鷗飄飄搏擊便容易
往來遊草露亦多濕蛛絲仍未收天機近人
事獨立萬端憂

立秋後題

鶴曰按公傳爲華州司功屬關輔也
棄官去客秦州是詩欲去官時作也

續齋集卷三

古今詩文

三

日月不相饒節叙昨夜隔元蟬無停號秋燕
已如客平生獨往願惘悵年半百罷官亦留
人何事拘形役

憶鄭南班

鄭南伏毒寺瀟灑到江心石影銜珠露泉聲
帶玉琴風杉會曙倚雲嶠憶春臨萬里蒼茫
水龍蛇只自深

僧無可寄華州馬戴

三峯待秋去鳥外掛衣巾猶見無窮累應非
暫任身水寒仙掌路山遠華陽人欲內墮邊
月尋思轉復新

劉禹錫伏毒寺詩

會作關中吏頻經伏毒岩晴煙沙苑樹曉日
渭川帆

途次華州陪錢大夫登樓春望因觀李崔令狐
三相國倡和之什翰林舊侶繼踵華城皆忝宿
眷遂題此詩

城樓西望出風塵見盡關西渭北春百二山河雒上國一雙旌旆委名臣壁中今日題詩處天上同時草詔人莫惟老郎竿濫吹宦途離別舊時親

李白贈華州王司士詩

淮水不絕渡瀾高盛德未泯生英髦知君先負廟堂器今日還須贈寶刀

白居易旅次華州贈袁右丞詩

渭水綠溶溶華山青崇崇山水一何麗君子在其中才與世會合物隨誠感通德星降人福時自助歲功化行人無訟囹圄十日空政順氣亦和黍稷三年豐客自帝城來驅馬出

續華州志卷之三 京詩文

七

關東愛此一郡人如見太古風方今天子心憂入正忡忡安得天下守盡是如袁公

華城西北雉堞最高崔相國創樓臺錢左丞種
花果合爲勝境題在雅篇歲暮獨過悵然成詠

時華州未除刺史

高居稱君子瀟洒四無鄰丞相棟梁久使君桃李新疑情看麗句駐步想清塵况是寒天暮樓空無主人

喜錢左丞再除華州詩

左轄輟中臺門東委上才彤襜經宿到絳帳及春開民望好難奪天心慈易回那知不隔歲重借寇恂來

楊昭儉退居華下自題家園以見志詩

池蓮憔悴無顏色園竹低垂減翠陰園竹池
蓮莫惆悵相看恰似主人心

韓翃華州夜宴庾侍御宅

世故他年別心期此夜同千峰孤竹外片雨
一更中酒客逢山簡詩人得謝公自憐驅正
馬拂曙向關東

宋李及之西溪詩

漾漾一溪春清華隔路塵涵雲紅渡眼蘸岳
碧驚神息冷蒲光亂蝶昏花氣淳多來志歸
鳥無過不遊人日月隨流水笙歌憶會賓昔
行風煦物今到露清晨弱荇冒遊艇殺煙生
釣綸當年共醉客此日獨吟身斜照下朱闕
向城挾紫鱗解鞍亭舍近預喜夕盤珍

明甘公過華州志喜詩

華山別去十年深天放西歸喜更臨旌旆入
疆迎攘攘兒童載道語馨馨舉帷爭視尚書

續華州志卷三

京公詩文

七五

貌露冕仍同刺史心我不負民民不負好將
此事勤碑陰嘉靖十七年春二月朔賜進士
資政大夫工部尚書前華州知州西蜀甘爲
霖題

陳公過赤水河

渭水東邊赤水津溪流清淺靜無塵料應飲
後心能赤願染丹袞答聖君

嘉靖壬子冬秋官郎中奉勅恤刑前進士戶
科左給事中交岡陳榮

鍾公華州侯代詩

自入關來再及冬華峯獨對寄行蹤三邊羽
檄經心處萬里雲山到夢中簷鶴謾勞傳客
信晚霞何意向人紅病軀幸畢皇華願專望
天恩下九重嘉靖乙丑冬十月九日南昌鍾
沂書

趙貞吉吊槐野先生墓

檢取平生贈劍歌，袂雲虹氣豈消磨。我來涕淚傷心劇，正爲墳前宿草多。

再過槐野先生墓誌感

齊麥青青滿舊阡，可憐黃犢上平田。十年一度臨君穴，重與封題野老看。

王公公出商洛等處有感

當年路債借幾何，此日塵勞如許多。弱體那堪山雨瘦，殘衣又被野風搓。無端漫蔓商於道，不了涔瀟洛水波。目斷愁思誰共語，松筠猶自辨藤蘿。

過華陽川有感

行看茅屋數頭椽，擬是蓬萊卧榻前。紅日登簷來報曉，白雲護洞夢將還。韓山笑破無窮事，王子修成不老仙。應自翠臺騎白鹿，紛紛行過華陽川。隆慶四年歲次庚午仲秋之吉，賜進士前戶部郎中知華州事今陞南京兵部員外郎肖巖王汝梅題。

華州志卷之

古今詩文

美

桑公題蟠龍嶺寺聯

虎嘯禪林叱咤長風生萬里，龍蟠寶地呼吸霖雨沛千川。

掠聞遂錄談藝集匪懈稿孫王唱和集古今匡

世畧漢書評林 郡人王維楨著

唐宋名臣筆錄 東棊著

古今人碑刻

修羅紋橋碑 萬歷七年王維熊撰

重修西嶽行祠碑 萬歷七年高位撰

重建西嶽寢殿碑 萬歷十一年賜進士出身奉政大夫修正庠尹前奉勅恤

刑陝西刑部郎中汝南吳同春撰

石子坡平治道途碑二

萬歷十八年華州儒學
學正王幾坤撰
順治十三年武桓撰

重建石橋碑

萬歷二十一年儒學訓導林鳳彩
撰

創修藥王廟橋碑

萬歷二十一年劉

宣聖廟學田碑二

元至正十五年常經記
明萬歷二十五年郭性之撰

城隍廟創建石坊碑

萬歷二十五年奉訓大夫
知華州事沁水寶學孔撰

瑞禾昭德碑

萬歷二十八年南京尚寶寺卿馮
翊馬愷撰

成林遺愛碑

萬歷二十八年王維熊撰

創建三皇廟碑二

萬歷三十三年張士龍撰
崇禎四年楊良翰撰

重修華州廟學碑二

萬歷三十四年郭性之撰
萬歷四十三年翰林侍讀

續華州志卷之三

古文詩文

七

關門盛以宏撰

新建尊經閣碑

萬歷三十七年劉士忠撰

城隍廟碑二

嘉靖三十七年郡人董宗周撰
萬歷三十九年舉人儒學署學正
蜀人何芳武撰

重修少華廟碑

萬歷三十九年劉士忠撰

汪侯去思碑

萬歷四十一年劉士忠撰

城隍廟創建坊做碑

萬歷四十六年李尙實撰

開元寺施茶碑

萬歷四十六年戶部觀政宗學
郊撰

重修西嶽廟碑

萬歷四十七年段尙謙撰

創建藥王龍王二聖行祠碑

萬歷四十八年郭
建固撰

重修蘭若寺碑 萬歷四十八年大理寺評事知湖廣德安府王振祚撰

創建西嶽石坊碑 天啟六年宜謙撰

華郡侯王公修建儒學碑 天啟七年盛以宏撰

城隍廟供修長醮碑二 明崇禎元年古師契撰 順治十二年郭巍立撰

重修鳳居寺碑 崇禎元年王化淳撰

增修南塔寺碑 崇禎三年太原府同知李燦然撰

重修西嶽行祠三門樂樓碑 崇禎五年華州儒學正竇璘撰

創修夏王神禹廟碑 崇禎七年李瑤華撰

重疏古河碑 崇禎十四年郡侯鄧承藩撰

三官廟碑 順治四年郭巍立撰

續善州志卷之二 古詩文

亥

重修西岳行宮碑 順治十一年趙冬日撰

羅紋橋修河碑 順治十四年張與音撰

城隍廟棲神樓碑 順治庚寅年劉遇奇撰

補古人碑刻遺

孔廟斷碑 唐皮日休撰顏真卿書今在王會家藏

濟安侯廟碑 唐光化二年朝議郎守左諫議大夫柱國賜紫金魚袋李巨川撰將

住郎守右拾遺柳懷素書又按兪州四部稿搜盡世書窮極傳著華

城隍廟有柳懷素所書小石刻置

列廟壁歷年甚久居人未嘗觀焉

危言說部則詳紀之嗟夫未學母論能讀未見書即現前石刻聞人達士冥然罔識也今送此碑于西

安府碑林

開元寺修葺塔碑

米慶歷七年廬江何昺撰

靈濟昭祐顯聖王廟碑

金泰和元年文林郎華州教授杜實才撰

重修宜聖廟學碑二

元至正十五年鄉貢進士魯齋書院正常經撰

濟安侯廟碑

明宣德三年前太原府儒學訓導使耀州喬世寧撰

重修西嶽行祠碑

正統二年華州儒學學正劉宏撰

開元寺碑

正統十四年翰林編修金城黃凍撰

藥王廟碑

景泰四年儒學學正泰安廬廼撰
嘉靖三十七年儒學訓導舞陽張中陽撰

許侯誠感碑

成化十一年刑部員外郎東思忠撰

靈州卷之二

古今詩文

堯

重修譙樓碑

成化十三年東思忠撰

重修西嶽行祠碑

宏治九年楊勝撰

重修聖母廟碑二

宏治二年鄉貢進士前伴讀致仕張貴撰

